

საქართველოს ზოგადი ადმინისტრაციული კოდექსის ინფორმაციის თავისუფლების თავით გათვალისწინებული მოთხოვნების შესრულების თაობაზე საქართველოს გარემოს დაცვისა და სოფლის მეურნეობის სამინისტროს 2025 წლის ანგარიში.

საქართველოს ზოგადი ადმინისტრაციული კოდექსის 49-ე მუხლის შესაბამისად, წარმოგიდგენთ საქართველოს ზოგადი ადმინისტრაციული კოდექსის ინფორმაციის თავისუფლების თავით გათვალისწინებული მოთხოვნების შესრულების თაობაზე საქართველოს გარემოს დაცვისა და სოფლის მეურნეობის სამინისტროს 2025 წლის ანგარიშს.

საქართველოს გარემოს დაცვისა და სოფლის მეურნეობის მინისტრის 2018 წლის 19 მარტის #2-164 ბრძანების საფუძველზე, საქართველოს გარემოს დაცვისა და სოფლის მეურნეობის სამინისტროს საჯარო ინფორმაციის გაცემასა და ინფორმაციის პროაქტიულად გამოქვეყნებაზე პასუხისმგებელ პირად განსაზღვრულია სტრატეგიული კომუნიკაციის დეპარტამენტის პირველადი სტრუქტურული ერთეულის ხელმძღვანელი ნანა ჩინჩილაკაშვილი.

საქართველოს გარემოს დაცვისა და სოფლის მეურნეობის სამინისტროს მიერ, ელექტრონული ფორმით საჯარო ინფორმაციის მოთხოვნის წარდგენა უზრუნველყოფილია სამინისტროს ელექტრონული პორტალისა (<http://mepa.gov.ge/Ge/SubscribePublicInfo>) და სამინისტროს ოფიციალური ელექტრონული ფოსტის (info@mepa.gov.ge) მეშვეობით, საქართველოს „ზოგადი ადმინისტრაციული კოდექსი“-სა და „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს N219 დადგენილების მოთხოვნათა შესაბამისად.

2024 წლის 10 დეკემბრიდან 2025 წლის 10 დეკემბრამდე საანგარიშო პერიოდში, სამინისტროს ცენტრალურ აპარატში, საჯარო ინფორმაციის გაცემის მოთხოვნით შემოვიდა 131 განცხადება, მათ შორის, ელექტრონული ფორმით შემოსული განცხადებების რაოდენობა შეადგენს 85.

სამინისტროში შემოსული 131 განცხადებიდან:

- 87 შემთხვევაში დაინტერესებული პირი იყო ფიზიკური პირი;
- 42 შემთხვევაში დაინტერესებული პირი იყო იურიდიული პირი, მათ შორის: 13 შემთხვევაში, განმცხადებელი იყო სამეწარმეო იურიდიული პირი; 15 შემთხვევაში- არასამეწარმეო იურიდიული პირი; 14 შემთხვევაში-სხვადასხვა მედია საშუალება.
- 2 შემთხვევაში დაინტერესებული პირი იყო ადმინისტრაციული ორგანო.

საქართველოს გარემოს დაცვისა და სოფლის მეურნეობის სამინისტროში შემოსული 128 განცხადებიდან:

- სამინისტროს კომპეტენციის ფარგლებში სრულად დაკმაყოფილდა 59 განცხადება;
- ნაწილობრივ დაკმაყოფილდა 1 განცხადება;

ნაწილობრივ დაკმაყოფილების საფუძველს წარმოადგენდა ის ფაქტი, რომ განმცხადებლის მიერ მოთხოვნილი ინფორმაციის ნაწილი არ განეკუთვნებოდა სამინისტროს კომპეტენციას.

- არ დაკმაყოფილდა 8 განცხადება იმ სუფუძელებით, რომ განმცხადებლის მიერ მოთხოვნილი ინფორმაციის განხილვა, მისი შინაარსიდან გამომდინარე, არ განეკუთვნებოდა სამინისტროს კომპეტენციას, ასევე მოთხოვნილი ინფორმაცია არ მოიძებნა სამინისტროში.
- 58 განცხადება, საქართველოს ზოგადი ადმინისტრაციული კოდექსის მე-80 მუხლის საფუძველზე, განსახილველად გადაეგზავნა შესაბამის სახელმწიფო უწყებას. აღნიშნულის შესახებ ინფორმაცია ეცნობათ განმცხადებლებს.
- 2 განცხადებაზე მიმდინარეობს წარმოება.

საჯარო ინფორმაციის გაცემის თაობაზე უარი განმცხადებლის მიერ არ გასაჩივრებულა.

სამინისტროს ცენტრალურ აპარატში შემოსული განცხადებები ძირითადად შეიცავდა ერთდროულად რამდენიმე მოთხოვნას. ხშირად მოთხოვნილი იყო შემდეგი სახის საჯარო ინფორმაცია:

- „დანერგე მომავლის“ ფარგლებში 2024 წელს დაფინანსების ბიუჯეტის შესახებ;
- საქართველოს რეგიონებში განხორციელებული ინფრასტრუქტურული პროექტების შესახებ;
- უკანონო ნადირობის, თევზჭერისა და ხე-ტყის უკანონო მოპოვების ფაქტების შესახებ;
- 2020-2024 წლებში გარემოზე მიყენებული ზიანის სტატისტიკა;
- კლიმატის ცვლილების შესახებ განხორციელებული პროექტების შესახებ;
- ლიცენზიის პირობების შესრულების შესახებ;
- გარემოს დაცვის მიმართულებით მოქმედი კონვენციების და ხელშეკრულებების ჩამონათვალი;
- სუბსიდირებული მევენახეების მონაცემები;
- კლიმატის ცვლილების მიმართულებით ხელშეკრულებით ნაკისრი და შესრულებული ვალდებულებების შესახებ;
- გარემოსდაცვითი ზედამხედველობის დეპარტამენტის მიერ 2025 წელს საქართველოს მაშტაბით ბენზინგასამართ სადგურებში არსებული პრემიუმის ტიპის საწვავის ოქტანობის შემოწმების შედეგები;
- ინფორმაცია 2023–2024 წლებში აჭარის რეგიონში გარემოს ხარისხის სტატისტიკური მონაცემები;
- საჯარო მოხელეებზე გაცემული პრემიებისა და კანონით გათვალისწინებული დანამატების ოდენობის შესახებ;
- იმ კომპანიების შესახებ ინფორმაცია, რომელთა საქმიანობაც ექვემდებარება გარემოზე ზემოქმედების შეფასების კოდექსით გათვალისწინებულ მოთხოვნებს და ა.შ.

საანგარიშო პერიოდში საქართველოს გარემოს დაცვისა და სოფლის მეურნეობის სამინისტროში, საჯარო ინფორმაციის გაცემისა და საჯარო ინფორმაციაში შესწორების შეტანის შესახებ მოთხოვნა არ შემოსულა.

საჯარო ინფორმაციის გაცემისა და უარის შემთხვევაში, საქართველოს გარემოს დაცვისა და სოფლის მეურნეობის სამინისტრო ხელმძღვანელობდა საქართველოს კონსტიტუციის,

„პერსონალურ მონაცემთა დაცვის შესახებ“ საქართველოს კანონისა და საქართველოს ზოგადი ადმინისტრაციული კოდექსის შესაბამისი მუხლებით.

საჯარო ინფორმაციის ხელმისაწვდომობა ასევე უზრუნველყოფილია ინფორმაციის პროაქტიულად გამოქვეყნების გზით სამინისტროს ოფიციალურ ვებ-გვერდზე (mepa.gov.ge).

საქართველოს გარემოს დაცვისა და სოფლის მეურნეობის სამინისტრო არ წარმოადგენს კოლეგიურ საჯარო დაწესებულებას. შესაბამისად, სხდომის დახურვის შესახებ გადაწყვეტილებები არ იყო მიღებული საანგარიშო პერიოდში.

საანგარიშო პერიოდში, სამინისტროს საჯარო მოსამსახურეთა მიერ საქართველოს ზოგადი ადმინისტრაციული კოდექსით დადგენილი მოთხოვნების დარღვევის ფაქტებს ადგილი არ ჰქონია.

სამინისტროს ცენტრალური აპარატის ცალკეული სტრუქტურული ერთეულები, მათთვის დებულებით დაკისრებული საჯარო უფლებამოსილების ფარგლებში ახორციელებენ პერსონალური მონაცემების შეგროვებას, დამუშავებას და შენახვას. უწყებაში პერსონალური მონაცემები დაცულია, როგორც ელექტრონული, ისე მატერიალური სახით.

საქართველოს გარემოს დაცვისა და სოფლის მეურნეობის სამინისტროს დოკუმენტრუნვის ელექტრონულ სისტემაში (edoc) ინახება ელექტრონული ფორმით არსებული პერსონალური მონაცემები, რომლებსაც განმცხადებელი უთითებს მის მიერ წარმოდგენილ განცხადებაში.

პერსონალურ მონაცემებზე წვდომა აქვთ მხოლოდ იმ პირებს, რომლებსაც, მათი სამსახურებრივი საქმიანობიდან გამომდინარე, მინიჭებული აქვთ ამგვარი მონაცემების დამუშავების და შეგროვების უფლებამოსილება.

სამინისტროს მიერ მიღებულია შესაბამისი ორგანიზაციულ-ტექნიკური და ინფორმაციული ზომები, რომლითაც უზრუნველყოფილია, როგორც ელექტრონულ სისტემაში არსებული, ასევე მატერიალური სახით დაცული პერსონალურ მონაცემთა უსაფრთხოება, რაც გამორიცხავს არაუფლებამოსილი პირებისთვის პერსონალურ მონაცემებზე წვდომას.

სამინისტროს მიერ პერსონალური მონაცემების შეგროვებასთან, დამუშავებასთან, შენახვასა და გადაცემასთან დაკავშირებული წარმოება ახორციელდება „პერსონალურ მონაცემთა დაცვის შესახებ“ საქართველოს კანონისა და „საქართველოს ზოგადი ადმინისტრაციული კოდექსის“ მე-3 თავის მოთხოვნათა შესაბამისად.

პატივისცემით,